



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ՆԱԽԱԳԱՀԻ ՏԵՂԱԿԱԼ

Երևան-0015, Մ. Խորենացու 3,7

05.02.2019թ

Որոշում թիվ 000272

Վարչական իրավախախտման գործի վերաբերյալ

ՀՀ պետական եկամուտների կոմիտեի նախագահի տեղակալ Ռուստամ Բադասյանս՝ քննելով 10.12.2018 թվականին կազմված հարկային պարտավորությունների հաշվարկումն անհնարին դառնալու վերաբերյալ թիվ 1011614/1 արձանագրության հիման վրա հարուցված վարչական իրավախախտման գործը, ուսումնասիրելով 23.01.2019 թվականի թիվ 00272 վարչական իրավախախտման գործի վերաբերյալ արձանագրությունը և վարչական վարույթի նյութերը

Պարզեցի

ՀՀ Հատուկ քննչական ծառայության ՀԿԳ քննիչ Վ. Մինասյանի «թիվ 58158918 քրեական գործով ստուգում կամ վերստուգում նշանակելու մասին» 31.10.2018թ-ի թիվ 58158918 որոշման հիման վրա տրված՝ ՀՀ ՊԵԿ նախագահի 16.11.2018թ-ի թիվ 1011614/1 հանձնարարագրի համաձայն «Հովան-Լիան Գրուպ» ՍՊԸ-ում հանձնարարվել է իրականացնել համալիր հարկային վերստուգում:

10.12.2018թ-ին հանձնարարագրում ընդգրկված հարկային ծառայողներ Վ. Մադաթյանի, Վ. Վելումյանի, Մ. Նազինյանի և Ա. Մայիլյանի կողմից կազմվել է հարկային պարտավորությունների հաշվարկումն անհնարին դառնալու վերաբերյալ թիվ 1011614/1 արձանագրությունը (այսուհետ նաև՝ արձանագրություն):

Համաձայն նշված արձանագրության՝ 29.11.2018թ-ին ստուգման թիվ 1011614/1 հանձնարարագիրը ներկայացվել է «Հովան-Լիան Գրուպ» ՍՊԸ-ի ղեկավար Ռազմիկ Շահբազյանին ծանոթացման: Վերջինս ստացել է հանձնարարագրի մեկ օրինակը և նշում կատարել ծանոթացման վերաբերյալ: 10.12.2018թ-ին ստուգման հանձնարարագրում ընդգրկված հարկային ծառայողները այցելել են «Հովան-Լիան Գրուպ» ՍՊԸ-ին պատկանող ավտոգազալցակայան՝ համալիր հարկային վերստուգում իրականացնելու նպատակով, սակայն ընկերության տնօրեն Ռ. Շահբազյանը հրաժարվել է հանձնարարագրում ստուգումը փաստացի սկսելու վերաբերյալ համապատասխան նշում կատարելուց և միաժամանակ գրավոր ներկայացրել է ստուգումը փաստացի չսկսելու վերաբերյալ իր առարկությունը:

Նկարագրված արարքի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 182<sup>1</sup> հոդվածով:

Փաստի կապակցությամբ հարուցվել է վարչական վարույթ և ընկերության տնօրեն Ռազմիկ Շահբազյանին ուղարկվել է ծանուցագիր: Նշված ծանուցագրի թիվ



RG012364759AM ծրարը փաստային ծառայության կողմից ետ է վերադարձվել «մերժված» նշագրմամբ: Ուստի պետք է նշել, որ Ընկերության տնօրեն Ռազմիկ Շահբազյանը համարվում է վարչական իրավախախտման գործի վերաբերյալ արձանագրությունը կազմելու վայրի և ժամանակի մասին պատշաճ ծանուցված: Լինելով պատշաճ ծանուցված Ռ. Շահբազյանը չի ներկայացել, ինչպես նաև չի ներկայացրել գրավոր առարկություն կամ բացատրություն վարչական վարույթի վերաբերյալ, ուստի թիվ 00272 արձանագրությունը 23.01.2019թ-ին կազմվել է վերջինիս բացակայությամբ:

Արձանագրության մեկ օրինակը և վարչական գործի քննությանը մասնակցելու վերաբերյալ ծանուցագիրն ուղարկվել է «Հովան-Լիան Գրուպ» ՍՊԸ-ի տնօրեն Ռազմիկ Շահբազյանին (թիվ RG013589308AM ծրար):

Նշված ծրարը նույնպես ետ է վերադարձվել «մերժված» նշագրմամբ: Ուստի պետք է նշել, որ Ընկերության տնօրեն Ռազմիկ Շահբազյանը համարվում է վարչական իրավախախտման գործի քննության վայրի և ժամանակի մասին պատշաճ ծանուցված: Պատշաճ ծանուցված լինելով գործի քննության վայրի և ժամանակի «Հովան-Լիան Գրուպ» ՍՊԸ-ի տնօրեն Ռազմիկ Շահբազյանը չի ներկայացել, ինչպես նաև չի ներկայացրել գրավոր առարկություն կամ բացատրություն, ուստի գործի քննությունն իրականացվել է վերջինիս բացակայությամբ:

Ուսումնասիրելով Ընկերության տնօրեն Ռազմիկ Շահբազյանի 10.12.2018թ-ի հայտարարությունը, պարզ է դառնում, որ հիշյալ հայտարարությամբ Ռ. Շահբազյանը հրաժարվել է հանձնարարագրում ստուգումը փաստացի սկսելու վերաբերյալ համապատասխան նշում կատարելուց, նշելով որ քննիչի որոշումը «Հովան-Լիան Գրուպ» Ընկերության և հիմնադիրների հետ որևէ առնչություն չունի և վերստուգում իրականացնելու հանգամանքը պատճառաբանված չէ:

Անդրադառնալով ներկայացված հայտարարությանը, պետք է նշել, որ համաձայն ՀՀ Քրեական դատավարության օրենսգրքի 55 հոդվածի 51 մասի՝ քրեական գործի մինչդատական վարույթի ընթացքում քննիչի կողմից իր լիազորությունների սահմաններում քրեական գործով կայացված որոշումը ենթակա է պարտադիր կատարման բոլոր կազմակերպությունների, պաշտոնատար անձանց ու քաղաքացիների կողմից:

ՀՀ Հարկային օրենսգրքի 34-րդ հոդվածի 1-ին մասի 7-րդ կետը սահմանում է, որ հարկ վճարողը (հարկային գործակալը) և դրա պաշտոնատար անձն իրավունք ունեն արգելելու հարկային մարմնի կողմից հարկային հսկողության իրականացումը, հարկային մարմնի պաշտոնատար անձանց չտրամադրելու փաստաթղթեր կամ բացատրություններ, եթե հարկային հսկողություն իրականացնող պաշտոնատար անձինք խախտել են Օրենսգրքի 35-րդ հոդվածի 1-ին մասի 12-րդ և (կամ) 36-րդ հոդվածի 1-ին մասի 13-րդ կետի դրույթները, և (կամ) եթե հարկային մարմինը խախտել է Օրենսգրքի 337-339-րդ և (կամ) 341-րդ հոդվածների դրույթները՝ այդ մասին երեք աշխատանքային օրվա ընթացքում գրավոր ծանուցելով հարկային մարմնի ղեկավարին :

Պետք է նշել, որ Ռ. Շահբազյանի կողմից ներկայացված հայտարարությունից պարզ չէ, թե ՀՀ Հարկային օրենսգրքի 34-րդ հոդվածի 1-ին մասի 7-րդ կետով սահմանված, որ իրավական նորմի պահանջն է խախտվել հարկային ծառայողների կողմից:

Մինչև ժամանակ պետք է նշել, որ հանձնարարագիրը հրապարակվել է ՀՀ ՀՔԾ ՀԿԳ քննիչ Վ. Մինայանի կողմից թիվ 58158918 քրեական գործով ստուգում կամ վերստուգում նշանակելու մասին պատճառաբանված որոշման հիման վրա: Ոչ հարկային ծառայողները և ոչ էլ Ընկերության ներկայացուցիչները չեն ունեցել իրավունք իրավական գնահատական տալու քննիչի որոշմանը և այն ենթակա է կատարման՝ քանի դեռ այն չի վերացվել քրեական դատարավարության կարգով: Ուստի տվյալ դեպքում, Ընկերության



տնօրեն Ռազմիկ Շահբաղյանը իրավունք չունեի արգելելու իրականացվող վերստուգումը, այլ պետք է թույլ տար, որ հարկային ծառայողները իրականացնեն իրենց լիազորությունները, և միայն այն դեպքում, երբ կվերացվեր քրեական գործով քննիչի ստուգում նշանակելու մասին որոշումը, սկսված ստուգումը կդադարեցվեր, իսկ եթե ստուգումն ավարտված լիներ, կվերացվեր կայացված ստուգման ակտը:

Ուստի հիմք ընդունելով ամբողջ վերոգրյալը, պետք է նշել, որ հայտարարությունում ներկայացված դիրքորոշումն անհիմն է, իսկ Ռազմիկ Շահբաղյանի կողմից՝ հանձնարարագրում ստուգումը փաստացի սկսված լինելու մասին գրառում կատարելուց հրաժարվելը խոչընդոտել է ՀՀ ՊԵԿ նախագահի 16.11.2018թ-ի թիվ 1011614/1 հանձնարարագրով նախատեսված համալիր հարկային վերստուգման իրականացմանը:

Հիմք ընդունելով ամբողջ վերոգրյալը և ղեկավարվելով ՀՀ վարչական իրավախախտումների վերաբերյալ օրենսգրքի 32-րդ հոդվածի 2-րդ մասով, 244<sup>14</sup>, 281 հոդվածներով և 282 հոդվածի 1-ին մասով՝

Որոշեցի

Համաձայն ՀՀ վարչական իրավախախտումների վերաբերյալ օրենսգրքի 182<sup>1</sup> հոդվածի «Հովան-Լիան Գրուպ» ՍՊԸ-ի տնօրեն Ռազմիկ Շահբաղյանի նկատմամբ կիրառել վարչական տույժ՝ նշանակելով տուգանք 250.000 (երկուհարյուր հիսուն հազար) ՀՀ դրամի չափով:



Ռ. ԲԱՌԱՍՅԱՆ